

21.04.2026

Тропарь, глас 7:

Запечатану гробу,/ живот от гроба возсиял еси, Христе Боже,/ и дверем заключенным,/ учеником предстал еси,/ всех воскресение;/ дух правый теми обновляя нам,// по велицей Твоей милости.

Тропарь, глас 4:

Правило веры и образ кротости, / воздержания учителя / яви ты стаду твоему / Яже вещей Истина. / Сего ради стяжал еси смирением величие, / нищетою богатая, / отче священноначальниче Николае, / моли Христа Бога, / спаситися душам нашим.

Кондак, глас 3:

В Мирех, святе, священнодействитель показался еси, / Христово бо, преподобне, Евангелие исполнив, / положил еси душу твою о людех твоих / и спасл еси неповинныя от смерти. / Сего ради освятился еси, / яко великий таинник Божия благодати.

Слава Отцу, и Сыну, и Святому Духу.

Кондак, глас 2:

Явистесь Христовы ученицы и апостолы всечестнии,/ Иродионе славне, Агаве и Руфе,/ Асинкрите, Флегонте со Ермом,/ присно молитесь Господеви// подати нам согрешений прощение, поющим вас.

И ныне, и присно, и во веки веков. Аминь.

Кондак, глас 8:

Любопытною десницею/ жизнeподательная Твоя ребра Фомы испытала, Христе Боже;/ созаклученным бо дверем яко вшел еси,/ с прочими апостолы вопияше Тебе:// Господь еси и Бог мой.

Прокимен, глас 3: Великий Господь наш, и великая крепость Его, / и разума Его несть числа.

Задостойник Пасхи: «Ангел вопияше...» – «Светися, светися...».

Причастен: Похвали Иерусалиме Господа, хвали Бога твоего Сионе. Аллилуиа. Аллилуиа. Аллилуиа.